

Melabur dalam unit amanah adalah salah satu kaedah pelaburan mudah yang boleh dilakukan sesiapa sahaja yang ingin membina tabungan kerana cirinya yang berisiko rendah dan sederhana.

Selain itu, faktor seperti modal kecil dan mudah diakses menjadikan unit amanah sebagai antara instrumen pelaburan yang sepatutnya menjadi pilihan ramai.

Berdasarkan definisi  *Federation of Investment Managers Malaysia (FIMM)*, unit amanah ialah pelaburan secara kolektif oleh pelabur yang mempunyai matlamat sama ke dalam satu dana diuruskan oleh pengurusan profesional.

Pengurusan profesional ini kemudian akan melaburkan dana berkenaan ke dalam kelas aset seperti pasaran saham, bon, tunai dan sebagainya untuk memperoleh keuntungan.

Keuntungan diperoleh daripada pelaburan berkenaan akan dipulangkan kepada pelabur dalam bentuk dividen atau

# Kaedah pelaburan mudah

*Unit amanah antara instrumen pelaburan yang sepatutnya jadi pilihan orang ramai*

agihan pendapatan bergantung kepada tempoh pelaburan yang ditetapkan.

Ini bermakna apabila seseorang itu melabur dalam unit amanah, ia sama seperti melantik seorang pengurus profesional untuk menguruskan wang pelaburan mereka.

Kaedah pelaburan menerusi unit amanah ini adalah lebih mudah berbanding melabur sendiri dalam pasaran saham yang sangat tidak menentu kerana turun naik harga saham.

Pengurusan profesional biasanya hanya mengambil sedikit yuran daripada kerja mengurus dana berkenaan dan ini menyebabkan modal untuk melabur juga lebih kecil berbanding jika pelabur melabur dalam pasaran saham secara individu.

## ASB

Satu daripada enam unit amanah harga tetap yang ditawarkan di negara ini untuk peluang pelaburan berisiko rendah

Namun, apabila membuat pilihan untuk melabur dalam unit amanah, pelabur perlu memahami bahawa setiap tabung unit amanah mempunyai kategori masing-masing seperti aset campuran, seimbang dan pasaran wang yang masing-masing mempunyai portfolio pelaburan dan matlamat tertentu.

Sebagai contoh, ASB berada dalam kategori aset campuran dengan objektif utama memberi pulangan jangka panjang.

ASB dalam Laporan Tahunan 2019 menyatakan lebih 70 peratus daripada pelaburan tabung berkenaan ialah dalam pasaran saham tempatan.

Justeru sudah pastilah, pendapatan yang diperoleh ASB akan dipengaruhi prestasi ekonomi dan pasaran saham semasa.

Sebenarnya tiada pelaburan yang kebal daripada faktor semasa yang iaitu faktor luar kawalan seperti prestasi pasaran saham dan persekitaran ekonomi dan geopolitik semasa.

Dalam tempoh jangka panjang, unit amanah masih menyediakan peluang pelaburan yang dapat membantu pelabur membina tabungan, tanpa perlu meluangkan banyak masa untuk menguruskannya.

Unit amanah juga memberi peluang kepada

pelabur untuk mula melabur sewal mungkin kerana mereka tidak memerlukan modal yang besar untuk memulakannya.

Paling penting untuk membina kekayaan ialah dengan meletakkan komitmen tinggi untuk melakukannya, dengan melabur secara konsisten setiap bulan dan untuk jangka panjang.

Landskap pelaburan unit amanah di negara ini agak unik kerana ia terbahagi kepada dua kategori utama iaitu harga tetap dan harga berubah.

Perbezaan paling ketara antara kedua-duanya ialah dari segi jual beli dan pulangan yang mana unit amanah harga tetap, diniagakan pada harga kekal RM1 seunit, tiada tempoh bertenang untuk jualan balik dan memberikan pulangan dalam bentuk dividen

tahunan sahaja.

Antara unit amanah harga tetap ialah Amanah Saham Bumiputera (ASB), ASB2 dan Amanah Saham Malaysia (ASM) yang diuruskan oleh Amanah Saham Nasional Berhad (ASN).

Sementara itu, bagi unit amanah harga berubah, harga seunit yang ditawarkan berubah setiap hari bergantung kepada Nilai Aset Bersih (NAB) tabung.

Dengan adanya turun naik harga setiap hari, pelabur berpeluang menikmati pulangan dalam bentuk peningkatan nilai modal jika harga meningkat berbanding harganya.

Antara syarikat yang menawarkan unit amanah harga berubah ialah Maybank Asset Management, Public Mutual dan Amfund Management Berhad.



KATEGORI DEWASA

18 tahun & ke atas

MINGGU SAHAM DIGITAL

# KUIZ TEKA SILANG KATA PELABURAN PNB ONLINE

## HADIAH UNTUK DIMENANGI!

Ke-2  
2 x RM5,000

Ke-3  
3 x RM3,000

Pertama

1 x RM7,000


SAGUHATI 140 x RM200

\*Hadiah dalam bentuk unit amanah ASNB

### KEADAH PENYERTAAN:

- Kuiz Pelaburan PNB Kategori Dewasa terbuka kepada warganegara Malaysia yang berusia 18 tahun ke atas;
- Borang Penyertaan untuk Kuiz Pelaburan PNB Kategori Dewasa boleh diakses di [www.asnb.com.my](http://www.asnb.com.my). Peserta perlu menjawab secara dalam talian (on-line);
- Borang penyertaan yang diterima selepas tarikh tutup akan ditolak.
- Tiada had penyertaan, bagaimanapun seorang peserta hanya layak memenangi satu hadiah sahaja.
- Pemilihan pemenang adalah berdasarkan jawapan yang betul dan akan dibuat menggunakan sistem pemilihan yang telah ditetapkan pengajur. Keputusan pemenang adalah mutlak.
- Terma dan syarat lanjut peraduan di [www.asnb.com.my](http://www.asnb.com.my).

Ke-4  
5 x RM1,000  
Ke-5  
28 x RM500



### MELINTANG

- Bayaran kepada pelabur / pemegang unit daripada pendapatan yang diperoleh syarikat/pengurusan dana. (2 perkataan)
- Konsep paling penting yang perlu difahami untuk melabur dengan berkesan kerana ia membolehkan pelaburan berkembang dan terus berkembang jika dilakukan untuk tempoh yang panjang. Saintis terkenal, Albert Einstein menganggapnya sebagai keajaiban dunia yang ke-8. Konsep ini dikenali sebagai kuasa faedah
- Satu bentuk pelaburan yang mana pelabur dengan objektif yang sama melabur dalam satu tabung dengan harapan menerima pulangan. Pengurusan tabung akan melantik pengurusan dana untuk menguruskan portfolio pelaburan bagi menjana pendapatan untuk memberi pulangan kepada pelabur. (2 perkataan)
- Konsep Labur dahulu baru belanja amat digalakkan dalam pengurusan kewangan kerana ia membolehkan seseorang itu mengeneppikan wang terlebih dahulu untuk

### MENEGAK

- Catatan pendapatan dan perbelanjaan yang dapat membantu individu memantau aliran tunai dan mengenalpasti kedudukan kewangan mereka.
- Dalam pelaburan, teman ini berkait rapat dengan keputusan atau keuntungan sebenar yang mungkin berbeza berbanding jangkaan pelabur. Ia termasuklah kemungkinan kehilangan sebahagian atau keseluruhan modal pelaburan.

- Keuntungan atau kerugian yang diperoleh daripada pelaburan.

### SOALAN BONUS

Amanah Saham Nasional Berhad (ASNB) menawarkan kemudahan pelaburan bulanan automatik ke dalam ASB serendah RM30 menerusi portal myASB. Apakah nama kemudahan berkenaan?

- Potongan Automatik
- Auto Labur
- Labur Konsisten

[www.asnb.com.my](http://www.asnb.com.my)  
Imbas untuk jawab dan penyertaan  
Tarikh tutup penyertaan: 29 NOVEMBER 2020

